

hujus Opidi legitur, non tam Honorem quam Onus suscipere, vel invitum & renitens, cogitur, *iusque* iurandum præstare in Templo D. Virginis, præeunte verba Procuratore Regio, se Regi fidelem futurum, defensurumque sua Civitati iura, Libertates & privilegia, adversus quoscumque, Regem etiam, quoties flagitat necessitas. In vicinis Vrbi Montibus optima crescunt Vina. Episcopales porro Vrbes sunt *Augustodunum* & *Caballinum*: sua utrumque suspiciendum antiquitate. Priori nomen *Augustoduni* natum ab Augusto (Octaviano, an quo alio, non valde laborandum: nam qui ab *Ange*, Apollinis Coniuge derivant Fabulas narrant) qui dirutum bello, quod Cæsar contra Gallias gessit, restauravit. Hodie *Austun* dicitur Vrbs quondam amplissima, sed multum de pristina gloria amisit. Visuntur hic etiamnum magnæ Theatri ruine, itemque Aquæeductum, Columnarum, Pyramidum: effodiuntur etiam cotidie Numismata antiqua, aliaque antiquæ suppellectilis Monumenta. Est & hodie Templis publicisque structuris conspicua. Ad sita est Radicibus Montium, qui vulgo *les Mons de Cenis*, ad fluvium Arrousum. Hæc de *Augustoduno*: sequitur *Caballinum* vel *Caballionum* Eduorum vulgo *Challon sur Saone*. Quis condiderit, non constat. Sita est hæc Vrbs ad dextram Araris ripam: Agri uberrimi Cœlique saluberrimi. Eximie felix, cōvehendisque secundo Arari Mercimonijs idonea; unde ab Cæsare Commearui parando, Exercituique qui sepe in plures distractus erat partes, distribuendo delecta. Hæc *Guntobruni* aliquando regia fuit. Eam Lotarius Ludouici rii Augusti F. postea incendio totam absumpsit, ut ne vestigium quidem Civitatis appareret. Sed ob loci oportunitatem postea iterum caput extulit, est que hoc tempore mercimonijs opulenta. Hæc de Metropoli, Urbibusque Episcopalibus: sequuntur nonnulla Ducatus hujus minorum gentium Opida. Inter *Caballinum* & *Matisconem*, medio fere itinere Opidum est, quod vulgo *Tornus*, *Tinnertum* Spartiano & Antonino. Solo situm est fertilissimo; ab Arari undique cinctum. Colles in Agro Suburbicario Vini generosissimi feraces. Ab utraque etiam Vrbe Matisconenfi & Cabillonensi itineris spatio prope æquali distat *Chysellum*, Regiæ Ditionis, Opidum, ut Paradinus censet, *Secusianorum*, *Secusumque* Ammiano dictum. Situm ad radices *Iuræ* montis, multis licet hodie ruinis deformatum, miram præ se ferens antiquitatem. Ab Oriente Montes habet celsos, Amnesque perennes, qui limpidas & poru suaves edunt Aquas, unde Fons saluberrimus ex Topho & vasta rupe in Opidum longe porrigitur per ligneos tubos. Ab Occasu planities se in Sinum laxissimum pandit. Tertia fere leuca ab Vrbe Cabillonensi versus Septentrionem est *Belna*, vulgo *Beaulne*, ad Amnem Adcolis *Bour-soize* dictum. Sunt qui volunt *Bibraeten* esse Cæsaris & Strabonis. Aliis alia mens est. Situm est hoc opidum loco uliginoso & quod, ut scribit Paradinus, nullo pane negotio, nulloque ab hostibus discrimine, posset Lacum Vrbi ad primum Lapidem offundere, quò hostes ab se submoveat. Vrbs tota valido Mœnium sepimento circumdata Propugnacula habet, quibus omnium Tormentorum vim queat excipere. Belnenfis Ager pinguis est, & optimæ notæ. Vites habet toto Terrarum Orbe nominatissimas, & Vino non vulgari nobilissimas. In eodē Agro, visitur *Cistertium* ab Cisternis, Odonis Ducis opus stupendum.